

შპს „მცხეთის სოფწყალი“



გამარტივებული ელექტრონული ტენდერის დოკუმენტაცია
(CPV 71900000)

ქ.მცხეთა

2015 წელი

სარჩევი:

1. ინსტრუქცია ტენდერში მონაწილეთათვის;
2. ტექნიკური დოკუმენტაცია;
3. სახელმწიფო შესყიდვების შესახებ ხელშეკრულების პროექტი;
4. დანართი N1-რეკვიზიტები;
5. დანართი N2- ფასების ცხრილი.

1. ინსტრუქცია ტენდერში მონაწილეობისათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება "სახელმწიფო შესყიდვის შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის N 9 ბრძანებით დამტკიცებული "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის" შესამაბისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესამაბისად.

2. ტექნიკური დოკუმენტაცია

2.1. შესყიდვის ობიექტი

2.1.1. მცხეთის მუნიციპალიტეტის ადმინისტრაციულ საზღვრებში შემავალი სოფლების წყალმომარაგების ობიექტებიდან: სათავე ნაგებობიდან, რეზერვუარებიდან და შიდა ქსელებიდან აღებულ სასმელი წყლის ნიმუშზე ანალიზების გაკეთება (სულ 17 ანალიზი) და შესაბამისი სერთიფიკატების გაცემა.

2.1.2. პრეტენდენტმა უნდა განახორციელოს „საქართველოს მთავრობის დადგენილება N58 (2014 წლის 15 იანვრი), სასმელი წყლის ტექნიკური რეგლამენტის დამტკიცების შესახებ“-ის მიხედვით გათვალისწინებულ პარამეტრებზე კვლევა მოცემული ტექნიკური დავალების მიხედვით:

მაჩვენებლები
სუნი
გემო
ფერიანობა
სიმღვრივე

მაჩვენებლები
სულფატები (SO ₄ ²⁻)
ქლორიდები (Cl ⁻)
ნავთობპროდუქტები, ჯამური
ზედაპირულად აქტიური ნივთიერებები ანიონაქტიურები
სიხისტე
კალციუმი (Ca)
მაგნიუმი (Mg)
ნატრიუმი (Na)
თუთია (Zn ²⁺),
რკინა (Fe, ჯამური),

მაჩვენებლები
მეზოფილური აერობები და ფაკულტატური ანაერობები
საერთო კოლიფორმული ბაქტერიები
E. coli
პათოგენური მიკროორგანიზმები, მათ შორის Salmonella
კოლიფაგები
Streptococcus faecalis
ლამბლიების ცისტები
დიზენტერიული ამებას ცისტები

მაჩვენებლები
ზოგადი მაჩვენებლები
წყალბადის მაჩვენებელი
პერმანგანატული ჟანგვადობა
საერთომინერალიზაცია (მშრალი ნაშთი) მგ /ლ
არაორგანული ნივთიერებები
ბარიუმი (Ba 2+)
ბორი(B,ჯამური)
დარიშხანი (As,ჯამური)
ვერცხლისწალი (Hg, არაორგანული),
კადმიუმი(Cd, ჯამური)
მანგანუმი(Mn, ჯამური)
მოლიბდენი(Mo, ჯამური)
ნიკელი(Ni, ჯამური)
ნიტრატები(NO-3–ით ხანმოკლე ზემოქმედება),
ნიტრიტები (NO-2–ით ხანგრძლივი ზემოქმედება),
სელენი(Se, ჯამური)
სპილენძი(Cu, ჯამური)
ტყვია(Pb, ჯამური)
ფტორიდები (F -)
ქრომი (Cr6+)
სტიბიუმი(Sb)
ციანიდები(CN-)
ორგანული ნივთიერებები
პესტიციდების საერთო შემცველობა

მაჩვენებლები
საერთო α– რადიოაქტივობა
საერთო β – რადიოაქტივობა

მაჩვენებლები
ქლორი ნარჩენი თავისუფალი
ქლორი ნარჩენი შეკავშირებული
ქლოროფორმი (წყლის ქლორირებისას)

2.2. სატენდერო წინადადების ფასი და ანგარიშშორების პირობები

2.2.1. სატენდერო წინადადებაში ერთეულისა და საერთო ფასი გამოსახული უნდა იყოს ეროვნულ ვალუტაში. შეიცავდეს მომსახურებასთან დაკავშირებულ ყველა ხარჯს, საქართველოს კანონმდებლობით გათვალისწინებული ყველა გადასახადის ჩათვლით.

2.2.2. პრეტენდენტმა უნდა წარმოადგინოს სატენდერო წინადადების ფასი და ფასების ცხრილი დანართი N2-ის მიხედვით.

2.2.3. ანგარიშწორება განხორციელდება უნაღდო ანგარიშწორების ფორმით, მიწოდებული საქონლის სასაქონლო ზედნადების წარმოდგენიდან ან/და მიღება-ჩაბარების აქტის გაფორმებიდან 30(ოცდაათი) დღის განმავლობაში.

2.2.4. მომსახურება გაწეული უნდა იქნას ხარისხიანად და კეთილსინდისიერად.

2.2.5. წინასწარი ანგარიშსწორება (ავანსი) არ გამოიყენება.

2.3. მიწოდების პირობები

2.3.1. მიწოდება უნდა განხორციელდეს ეტაპობრივად, შემსყიდველის მიერ წყლის მიწოდებიდან არაუგვიანეს 5(ერთი) კალენდარული დღისა, ხელშეკრულების გაფორმებიდან სამი თვის განმავლობაში.

2.3.2. სასმელი წყლის მიწოდებას განახორციელებს შპს „მცხეთის სოფწყალი“ საკუთარი ხარჯებით.

2.3.3. იმ შემთხვევაში, თუ აღმოჩნდება, რომ მიმწოდებლის მიერ არ არის სრულყოფილად შესრულებული მომსახურება, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით.

2.3.4. მიწოდება უნდა განხორციელდეს ეტაპობრივად, შემსყიდველის მიერ წყლის მიწოდებიდან არაუგვიანეს 5(ერთი) კალენდარული დღისა, ხელშეკრულების გაფორმებიდან ერთი თვის განმავლობაში.

2.4. ასატვირთი დოკუმენტაცია

2.4.1. რეკვიზიტები დანართი N1-ის მიხედვით.

2.4.2. ხარჯთაღრიცხვა დანართი N2-ის მიხედვით.

2.4.3. (ინფორმაცია გამოცდილების შესახებ), ლაბორატორიის და ლაბორატორიული კვლევების განმახორციელებელი ფიზიკური პირების შესაბამისი კვალიფიკაციისა და გამოცდილების დამადასტურებელი დოკუმენტები.

2.4.4. პრეტენდენტს უნდა გააჩნდეს სერვის ცენტრები მცხეთიდან არაუმეტეს 50კმ დაშორებით, რის დასტურადაც უნდა წარმოადგინოს ინფორმაცია ცენტრ(ებ)ის მდებარეობის შესახებ, სადაც უნდა გადხორციელდეს გეგმიური ფასიანი მომსახურება თანმდევი საგარანტიო პირობების ფარგლებში.

2.5. დამატებითი ინფორმაცია

2.5.1. პრეტენდენტს არ აქვს უფლება წარმოადგინოს ალტერნატიული წინადადება.

2.5.2. შემსყიდველის მოთხოვნის შემთხვევაში ფასების ცხრილის დაზუსტებამ არ უნდა გამოიწვიოს ფასების ცხრილის არცერთ პოზიციაზე შესყიდვის ობიექტების ერთეული ღირებულების გაზრდა.

2.5.3. პრეტენდენტის მიერ ასატვირთი ყველა დოკუმენტი უნდა იყოს ბეჭედდასმული (არსებობის შემთხვევაში) და ხელმოწერილი უფლებამოსილი პირის მიერ.

2.5.4. სატენდერო დოკუმენტაციასთან დაკავშირებული განმარტების მიღება პრეტენდენტს შეუძლია მიიღოს სატენდერო კომისიის აპარატში შემდეგი საკონტაქტო პირებისგან : სალომე ბედოშვილი 599 700 779, 2 51 35 88; bedoshvilis@gmail.com და მარინე მარტოლეკი 591330544.

შენიშვნა:

(*) ელექტონული ვაჭრობა განხორციელდება სატენდერო განცხადებასა და სატენდერო დოკუმენტაციაში ფიქსირებულ ჯამურ სავარაუდო ღირებულებაზე ფასის კლების პრინციპით. შემსყიდველის მიერ სატენდერო დოკუმენტაციაში წარმოდგენილ ჯამურ საორიენტაციო ღირებულებასა და ვაჭრობის შედეგად დაფიქსირებულ საბოლოო ფასს შორის სხვაობა პროპორციულად უნდა აისახოს ჯამური ღირებულების შემადგენელ თითოეული კომპონენტზე. პრეტენდენტის მიერ წარმოდგენილი სატენდერო წინადადების ფასის წარმოდგენა დასაშვებია მხოლოდ ლარში.

წინამდებარე დოკუმენტი წაქრმოდგენს სახელმწიფო შესყიდვების შესახებ ხელშეკრულების პროექტს, რომელიც დაიდება ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ერთი მხრივ, შპს „მცხეთის სოფწყალი“ (შემდგომში შემსყიდველი) წარმოდგენილი მისი დირექტორის უმანგი ზურაბიშვილის სახით და მეორე მხრივ _____ (შემდგომში მიმწოდებელი) წარმოდგენილი მისი დირექტორის _____ სახით, ორივე ერთად წოდებული, როგორც „მხარეები“ , „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის (SPA _____) ჩატარების შედეგად ვდებთ წინამდებარე ხელშეკრულებას შემდეგზე:

1. ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომ – ხელშეკრულება) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით.
- 1.2. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. ხელშეკრულებაში გამოყენებულ სხვა ტერმინებს აქვთ საქართველოს სამოქალაქო კოდექსისა და „სახელმწიფო შესყიდვების შესახებ“ საქართველოს კანონით განსაზღვრული მნიშვნელობა.

2. ხელშეკრულების საგანი

- 2.1. ხელშეკრულების საგანს წარმოადგენს შპს „მცხეთის სოფწყალი“-ს მიერ საკუთრი შემოსავლების ფარგლებში, ლაბორატორიული მომსახურებები, (CPV 71900000) შემდგომში შესყიდვის ობიექტი.
- 2.2. შესყიდვის ობიექტის დასახელება, აღწერილობა და რაოდენობა განისაზღვრება ხელშეკრულების დანართი N1-ის შესაბამისად, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს 13 000 (ცამეტი ათასი) ლარს და მოიცავს მიმწოდებლის ყველა ხარჯს, მათ შორის, კანონმდებლობით დადგენილ ყველა გადასახადს, მოსაკრებელსა და სახდელს.

3.2.საქონლის ერთეულის ფასი და რაოდენობა განისაზღვრება ხელშეკრულების დანართი N1-ით.

3.3.ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

3.4.საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

4. მიწოდების ვადა და ადგილი

4.1.მიწოდება უნდა განხორციელდეს ეტაპობრივად, შემსყიდველის მიერ წყლის მიწოდებიდან არაუგვიანეს 5(ერთი) კალენდარული დღისა, ხელშეკრულების გაფორმებიდან ერთი თვის განმავლობაში.

4.2.მომსახურების გაწევის ადგილია მიმწოდებლის სერვისცენტრები.

5. მიღება-ჩაბარების წესი

5.1.შესყიდვის ობიექტის მიღება-ჩაბარება განხორციელდება მომსახურების გაწევისთანავე.

5.2.მიღება-ჩაბარების აქტი უნდა გაფორმდეს ქონების/მომსახურების მიწოდებიდან 1(ერთი) კალენდარული დღის ვადაში, გაუფორმებლობის შემთხვევაში ქონება ჩაითვლება მიწოდებულად ზედნადების/ანგარიშვაქტურის დადასტურებისთანავე.

6. ანგარიშსწორება

6.1.ანგარიშსწორება განხორციელდება მიწოდებული საქონლის ზედნადების წარმოდგენიდან ან/და მიღება-ჩაბარების აქტის გაფორმებიდან 30 (ოცდაათი) დღის განმავლობაში, ამ ხელშეკრულებით გათვალისწინებული რეკვიზიტების შესაბამისად.

6.2.ანგარიშსწორების ვალუტა: ლარი.

6.3.ანგარიშსწორების ფორმა: უნაღდო.

7. სტანდარტები , გარანტია და შესრულების კონტროლი

7.1.შესყიდვის ობიექტის სტანდარტები და საგარანტიო პირობები განისაზღვრება სატენდერო დოკუმენტაციით და მიმწოდებლის მიერ შემოთავაზებული წინადადების შესაბამისად.

7.2.მიმწოდებელი იღებს ვალდებულებას საქონლის მიწოდებისთანავე გადასცეს შემსყიდველს საგარანტიო ვალდებულების განმსაზღვრელი დოკუმენტი,

რომლის მოქმედების ვადა და პირობები ინარჩუნებს ძალას, მიუხედავად ამ ხელშეკრულების მოქმედებს ვადისა.

7.3. ხელშეკრულებით განსაზღვრულ საგარანტიო ვადის განმავლობაში შემსყიდველის (წარმომადგენლები, მოწვეული ექსპერტი) მიერ წუნის გამოვლენის შემთხვევაში, მიმწოდებელი ვალდებულია 3 (სამი) დღის ვადაში მოახდინოს წუნდებული ნივთის/მომსახურების შეცვლა. თუ მიმწოდებელი აღნიშნულ ვადაში არ შეცვლის წუნდებულ ნივთს/მომსახურებას, იგი ვალდებულია დაუბრუნოს შემსყიდველს გადახდილი თანხა 15 (თხუთმეტი) დღის ვადაში.

7.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

7.5. შემსყიდველი უფლებამოსილია მომსახურების შესრულების პარალელურად მოახდინოს მომსახურების შემოწმება მიმწოდებლის მიერ წარმოდგენილი ხარჯთაღრიცხვის შესაბამისად, რომლის მიზანია მათი შესაბამისობის დადგენა ხელშეკრულებით გათვალისწინებულ პირობებთან.

8. ხელშეკრულებაში ცვლილებების შეტანა

8.1. არავითარი გადახრა ან ცვლილება არ დაიშვება ხელშეკრულების პირობებში ორივე მხარის მიერ ხელმოწერილი წერილობითი შესწორებების გარდა.

8.2. თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია დაყოვნებლივ წერილობით შეატყობინოს მეორე მხარეს შესაბამისი ინფორმაცია.

8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულებათა მოთხოვნათა გათვალისწინებით.

8.4. ხელშეკრულების პირობების ნებისმიერი ცვლილება უნდა გაფორმდეს წერილობითი შეთანხმების სახით და ჩაითვლება ამ ხელშეკრულების განუყოფელ ნაწილად.

9. უფლებების გადაცემა

9.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი მოვალეობები მესამე პირს.

10. სუბკონტრაქტორები

10.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობების საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

10.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

10.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისგან

11. ხელშეკრულების პირობების შეუსრულებლობა

11.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისთვის მიმწოდებელს დაეკისრება პირგასამტეხლოს გადახდა - ყოველ გადაგადაცილებულ დღეზე ხელშეკრულების ღირებულების 0,1 %-ის ოდენობით, ხოლო თუ ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0,1 %-ს.

11.2. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3. საჯარო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისგან.

12. ხელშეკრულების შეწყვეტა მისი პირობების შეუსრულებლობის გამო

12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისთვის ვალდებულების შესრულებლობის წერილობითი შეწყობინების შემდეგ:

12.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაუწიოს მომსახურება.

12.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.

12.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2. მიმწოდებლის გაკოტრების შემთხვევაში;

- 12.3.3. თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
- 12.3.4. . საქართველოს კანონმდებლობით გათვალისწინებულ სხვა შემთხვევებში.

13. ფორს-მაჟორი

- 13.1. ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ იგი გამოწვეულია ფორს-მაჟორული გარემოებებით.
- 13.2. ამ მუხლი მიზენისათვის ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და / ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვ.
- 13.3. ფორს-მაჟორული გარემოებების დადგომის შემთხვევაში ხელშეკრულების დამდეგმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ, წერილობით უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

14. სადავო საკითხების გადაწყვეტა

- 14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტების ირგვლივ.
- 14.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, საქართველოს კანონმდებლობის შესაბამისად.

15. ხელშეკრულების ენა

- 15.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის გასაგებ ენაზე.

ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს აღნიშნულ პირობებს.

16. გადასახადები და დაბეგვრა

- 16.1. უცხოელი მიმწოდებელი პასუხს აგებს მისაწოდებელი მომსახურების მიწოდებასთან დაკავშირებული ყველა იმ გადასახადის, მოსაკრებლების და სხვა გადასახადების გადახდაზე, რომლებიც გადასახდელია საქართველოს ფარგლებში და მის გარეთ.
- 16.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

17. გარდამავალი და დასკვნითი დებულებანი

- 17.1. ხელშეკრულება იდება ქართულ ენაზე, თანაბარი იურიდიული ძალის მქონე 2 (ორი) იდენტურ ეგზემპლარად. აქედან, თითო ეგზემპლარი გადაეცემა თითო მხარეს.
- 17.2. მხარეთა შორის წერილობითი შეთანხმების საფუძველზე, ხელშეკრულებაში შეიძლება შეტანილ იქნას ცვლილებები და დამატებები, რომლებიც წარმოადგენენ ხელშეკრულების განუყოფელ ნაწილს.
- 17.3. მხარეთა შორის დავის წარმოშობის შემთხვევაში იგი უნდა გადაწყდეს უშუალოდ ურთიერთშეთანხმების გზით, საქართველოს მოქმედი კანონმდებლობით გათვალისწინებული წესების დაცვით.
- 17.4. შეთანხმების მიუღწევლობის შემთხვევაში დავა გადაწყდება მოქმედი კანონმდებლობის შესაბამისად - საერთო სასამართლოს მეშვეობით.
- 17.5. საკითხები რომლებიც არ არის განსაზღვრული ხელშეკრულებით გადაწყდება მოქმედი კანონმდებლობით.
- 17.6. მხარეები ხელშეკრულებაზე ხელმოწერით ადასტურებენ, რომ ეს ხელშეკრულება არ მოიცავს ბუნდოვან დებულებებს და რომ ისინი სრულად გაეცნენ და მიიღეს მასში აღნიშნული პირობები.

შემსყიდველი

შპს “მცხეთის სოფწყალი”

დირექტორი უშანგი ზურაბიშვილი

მისამართი: მცხეთა, აღმაშენებლის N
73

ტელ.: 2 513588

საიდენტიფიკაციო კოდი: 436034104

ბანკი: სს ლიბერთი ბანკი

ანგარიშის
GE78LB0113162465564000

ბანკის კოდი: LBRTGE22

ბ.ა.

მიმწოდებელი

შპს

დირექტორი

მისამართი:

ტელ.:

საიდენტიფიკაციო კოდი:

ბანკი:

ანგარიშის ნომერი:

ბანკის კოდი:

ბ.ა.

რეკვიზიტები

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

მომსახურე ბანკი:

ბანკის კოდი:

ანგარიშის ნომერი:

(ხელმოწერა)

(ბ.ა. ბეჭდის არსებობის შემთხვევაში)

სატენდერო წინადადების ფასების ცხრილი (იხილეთ ტექნიკური დავალება)

პრეტენდენტის დასახელება: _____

	გასაწევი მომსახურების ფასების ცხრილი	
N	გასაწევი მომსახურების დასახელება	ანალიზის ფასი
	საერთო ღირებულება:	